



官常典第六百五十九卷

縣尉部彙考

漢

主名不立則推索行尋案察姦宄以起端緒

注應劭漢官曰大縣丞左右尉所謂命卿三人小縣

皆有丞尉秩四百石至二百石是爲長吏

後漢

後漢定縣大小置尉員數 按後漢書百官志尉大縣二人小縣一人本注曰尉主盜賊凡有賊發

主名不立則推索行尋案察姦宄以起端緒

注應劭漢官曰大縣丞左右尉所謂命卿三人小縣

一尉一丞命卿二人雒陽孝廉左尉秩四百石孝廉右尉秩四百石

邊縣有障塞尉本注曰掌禁備羌夷犯塞

晉

晉制縣置六部尉 按晉書職官志洛陽縣置六部尉江左以後建康亦置六部尉餘大縣置二人

次縣小縣各一人

宋

文帝元嘉十五年置尉如晉制唯縣小者省之 按宋書文帝本紀不載 按百官志晉江右洛陽縣置六部都尉餘大縣置二人次縣小縣各一人宋太祖元嘉十五年縣小者省之

北齊

北齊制縣置右部南部西部三尉 按隋書百官志云云

隋

隋制改尉爲縣正 按隋書百官志改尉爲縣正尋改正爲戶曹法曹分司

唐

文帝元嘉十五年置尉如晉制唯縣小者省之 按宋書文帝本紀不載 按百官志晉江右洛陽縣置六部都尉餘大縣置二人次縣小縣各一人宋太祖元嘉十五年縣小者省之

分判衆曹收率衆調

高祖武德元年改書佐曰縣尉尋改曰正 按唐書高祖本紀不載 按百官志注云云

武德七年改縣正復曰尉 按唐書高祖本紀不載 按百官志注云云

元宗開元 年增置縣尉 按唐書元宗本紀不載 按百官志注開元中上縣萬戶中縣四千戶以上增尉一人其後畿縣戶不及四千亦置尉二人萬戶增一人

宋

太祖建隆三年每縣置尉一員 按宋史太祖本紀建隆三年十二月丙戌詔縣置尉一員理盜訟置弓手視縣戶爲差 按職官志建隆三年每縣置尉一員在主簿之下奉賜並同

乾德二年春正月丁未令錄尉有耄耄篤疾者舉劾之 按宋史太祖本紀云云

開寶元年三月庚寅班縣尉捕盜令 按宋史太祖本紀云云

仁宗至和二年開封祥符兩縣各增置尉一員凡縣不置簿則尉兼之 按宋史仁宗本紀不載

按職官志至和二年開封祥符兩縣各增置尉一員掌閱習弓手戢姦禁暴凡縣不置簿則尉兼之
孝宗隆興 年詔尉不許差癯老疾病年六十以上之人邑大事煩則置二尉 按宋史孝宗本紀

不載 按職官志云云

光宗紹熙 年詔尉恩科人年及六十不差 按宋史光宗本紀不載 按職官志云云

寧宗嘉定十三年詔極邊縣尉獲盜酬賞班改歲以二員爲額 按宋史寧宗本紀不載 按職官

志云云

金

金縣有赤次赤劇次劇又有上中下之分設尉以佐之 按金史百官志赤縣尉四員正八品專巡捕盜賊餘縣置四尉者同此次赤縣尉一員正九品諸縣尉一員正九品

元

世祖至元二十年縣定上中下三等各設尉一員 按元史世祖本紀不載 按百官志至元二十年定江淮以南三萬戶之上者爲上縣一萬戶之上者爲中縣一萬戶之下者爲下縣上縣尉一員中縣如上縣之制下縣如中縣民少事簡之地則以簿兼尉後又別置尉尉主捕盜之事

順帝至正元年十一月戊寅彰德屬縣各添設縣尉一員 按元史順帝本紀云云

至正六年春二月戊申京畿盜起范陽縣請增設縣尉從之 按元史順帝本紀云云

明

明制不置尉置典史一員爲令屬 按續文獻通考云云

皇清順治十四年

大清會典順治十四年置盛京奉天府所屬衙門承德縣典史一員

康熙七年

大清會典康熙七年定各縣首領官典史一員

康熙九年

大清會典國初各官滿漢間有不同康熙九年改歸畫一未入流京縣典史各縣典史

縣尉部總論

文獻通考

縣尉

漢大縣兩尉小縣一人長安有四尉分爲左右部城東南置廣部尉是爲左部城西北置明部尉是爲右部並四百石黃綬大冠主追捕盜賊伺察姦非 魏因之 晉洛陽建康皆置左部尉 宋齊梁陳並因之餘縣如漢制諸縣道尉銅印黃綬朝服武冠 北齊郡縣置三尉 隋改爲正後置尉又分爲戶曹法曹 唐初因隋制 武德元年萬年縣法曹孫伏伽論事是也

武德中復改爲正七年復爲尉赤縣置六員他縣各有差分判諸司事高宗時爲品官吏部選授五代久廢而盜賊鬪競則屬鎮將 宋朝建隆三年始每縣復置尉一員在主簿之下俸賜與主簿同其鎮將只許勾當鎮下煙火爭競公事至和二年開封祥符兩縣增置一員元豐五年詔重立法地縣尉並差使臣元祐元年蘇轍言舊法縣尉皆用選人近歲並用武臣自改法以來未聞盜賊爲之衰息請復舊法詔除沿邊縣尉依舊外餘並差選人崇寧元年詔重法地縣尉差舊武臣處並依元豐法

縣尉部名臣列傳

漢 梅福

按瑞州府志福字子真壽春人成帝時爲南昌尉漢政不綱王氏擅權福上書曰方今君命犯而主威奪外戚之權日以益盛陛下不察其形願察其景建始以來日蝕地震三倍春秋水災無與比數陰盛陽微金鐵爲飛此何景也書上不報乃棄官隱於洪崖山後攜妻子隱寓新昌天德鄉山中今因號其山曰尉山田曰尉田墩曰梅墩有橋曰迎仙橋舊有子真宅後卽其地立觀奉之曰宅仙觀立祠祀之曰子真祠蓋子真之風特立塵表所至人相敬慕以爲神仙中人故目曰梅仙而子真所在無一不寓其官名姓號云有苗裔存

唐 趙元

按唐書陳子昂傳趙元者字貞固河間人少負志略好論辨來游洛陽士爭慕嚮所以造謝皆縉紳選武后方稱制懼不容其高調宜祿尉到職非公事不言彈琴蒔藥如隱者之操自傷位不配才卒年四十九其友魏元忠孟詵宋之問崔璩等共諡昭夷先生

沈盈

按唐書顏杲卿傳沈盈者杲卿甥有行義明黃老學解褐博野尉與杲卿同死難贈大理正官其二

子遙達

宋 朱輅

按長沙府志輅字國器郴州人中太平興國第調湘陰尉中書梁子美至輅以詩投之子美喜而論薦時邑令魏洙以曠職獲罪輅曰令罪而尉薦人必以尉責令矣願寢之梁卒薦輅而令亦不加罪遷桂陽監使以母老卽掛冠有二千石祿今皆有九十萱親古亦稀之句

劉誼

按涇縣志誼字宜翁湖州長興人熙寧三年爲涇尉剛果疾惡凡豪强大姓痛繩以法旣去而民思之後以論新法被謫隱居三茅山辟穀至於無漏或疑其得仙云

王端禮

按吉安府志端禮字懋甫吉水人登元祐三年進士時黃庭堅爲參詳官亟稱其試論初授連州桂陽尉進富川今皆行其所學端禮平雅謹厚不妄言笑進退動止皆有法度向慕濂洛之學慨然以斯道自任探索究極思以身體之不徒爲言語文字之工年四十表求致仕築別墅於南山延四方

來學之士所著有強仕集論語解易解疑欲集茶譜字譜

朱良

按宋史朱蹕傳朱良者字良伯吳郡人世儒科建炎中爲海鹽縣尉金兵入境良謂僚友曰今日乃忠臣義士死國之時也披甲執戈集所部百餘人奮而前擊金兵數人死衆爲披靡然力不敵竟死事聞官其子思後守漢陽

孫暉

按宋史本傳暉爲泗州招信縣尉建炎三年正月金人陷泗州州守呂元閭瑾焚淮橋遁金人由招信將渡淮暉將射士民兵禦之沈其數舟會大霧蔽日金人莫測其多寡相持踰半日以疑兵縻暉自上流渡兵暉又戰且却城破竟死於敕書樓

楊大異

按宋史本傳大異字同伯從胡宏受春秋大義登嘉定十三年進士第授衡陽主簿有惠政調龍泉尉攝邑令適歲饑提刑司遣吏和糴米二萬石於邑米價頓增民乏食大異卽以提刑司所糴如價

古今圖書集成
發糶民甚德之提刑趙與憲大怒摺其罪弗得坐以方命移安遠尉邑有峒寇擾民官兵致討積年弗獲檄大異往治之大異以一僕負告身自隨肩輿入賊峒傳呼尉至賊露刃成列以待徐諭以禍福皆伏地叩頭願改過自新留告身為質偕其渠魁數輩出降以賞遷吉州戶曹歷提點廣西刑獄除祕閣修撰大中大夫

陳霖

按宋史王師道傳陳霖者字傳容泉州人嘉定十三年進士爲瑞金尉盜起江閩霖迎敵力戰盜繫之以去不屈遇害

喻南強

按金華府志南強字百強義烏人自少負奇節累貢於鄉不得第用右科調富陽尉禮部侍郎真德秀舟過富春江南強亟見且賦詩爲餞人皆壯之其爲文善馳騁下筆數千言不煩繩削而自合大篇短章恣人取去不甚愛惜惟梅隱筆談四卷藏於家

元 蘇澤

按瑞州府志澤字濟民東源人至元中尉新昌時長貳缺員澤振飭縣綱衛民抑吏百廢具舉嘗修儒學講堂建桂峯第一樓及尉廳士民至今稱之

曲惠

按延平府志惠字順卿真定人至正間任尤溪尉郡守鄭文瑞重其才檄攝縣事旬日間決滯訟六十餘件黃巾寇壓境惠謂子師善曰臣死忠子死孝大節也萬一不幸吾父子當闔門殉節乃行保甲編伍法發常平賑民勸巨室出粟贍兵倡首拒賊邑賴以全後承閩檄率兵抵晉安兵敗死賊聞者痛之

趙元齡

按紹興府志元齡字子年宛丘人爲上虞尉先是縣官收職米率三倍元齡獨無升勺過取士兵之隸於司者每子視之秋毫無所擾邑人爲之語曰縣尉不要錢只有趙子年

明馮堅

按明外史本傳馮堅不知何許人洪武中授南豐典史縣民悅之爲作德政謠一章二十四年上書

言九事一曰養聖躬以福民社王者綜理萬幾固當宵衣旰食勵精圖治然而兆民之安宗社之固咸係於一人陛下春秋高矣未見日而朝百官日晏而猶未罷此非順時調護之道也臣願清心省事不與細務以爲民社之福二曰擇老成以福諸王諸王方當英妙壯盛其左右輔導不可不慎也臣願擇取老成之臣出爲王官使得正色直言以時匡救庶幾謹守藩屏以爲諸王之福三曰攘要荒以福中國先王立綱陳紀制禮作樂以成至治者由其懾服遠人然後中國莫安得以施其政教也今天下一家四海一人而邊鄙無備可乎臣願務農講武屯戍邊圉以爲中國之福四曰勵有司以福生民方面諸臣所以表率守令者也臣願得廉正有守之士旌別所屬賢不肖具實以聞於朝而黜陟之則爲有司者率皆遷善改過而勇於自治上下守法刑清訟簡家給人足足爲生民之福矣五曰褒崇祀典夫生而功業顯於當時則其逝也聲華著於後世往往載在祀典崇德報功使民慕思不忘者也臣願備勅有司采訪歷代忠烈事蹟量加封諡俾末俗有所興勸六曰減省宦侍夫寺人之役不過備使令給灑掃而已在昔人君多爲所制由其晨夕密邇故其言易入遂養成禍患而不自知也以陛下鑒察之明萬萬無此臣願上覽史籍裁去冗員不惟嚴重朝廷實可杜異日威

福凌替之漸七日調易邊將命將御邊國之大事在昔人君假以兵權久在邊圉卒致放縱淫佚不可駕馭陛下聖謨廟筭業已舉無遺策凡諸將帥必察其言行可託腹心者然後置諸閫外又必時遷歲調不使久居其任不惟保全勳臣實可防將驕卒惰內輕外重之漸八曰采訪吏治先王以知人安民爲急夫知人所以安民也今有司未盡得人廉幹之才或爲上官所忌寮吏所嫉其能自立不屈鮮矣故爲善於下而上不加察非激勸之善術也臣願廣布耳目訪廉斥貪以明黜陟九曰增置關防夫立法防奸有國所必務也陛下旣置勘合凡有徵發必驗之使同然後得行可謂得革弊之本矣近聞諸司惟以帖委胥吏俾督所部少不如意輒加箠楚其害乃及於民臣願增置勘合以付諸司聽其填寫差遣旣訖繳報如此則所司必不輕發以病民而庶務亦不至屢曠也書奏帝覽而嘉之稱其知時務達事變又謂侍臣曰堅言惟調易邊將則未然邊將數易則兵力勇怯敵情出沒山川形勝無以備知倘得若趙充國班超者又何取數易爲哉乃命吏部擢堅左僉都御史在院頗持大體明年卒於任

青文勝

古今圖書集成
按明外史本傳文勝字質夫夔州人仕爲龍陽典史龍陽瀕洞庭歲罹水患積逋賦數十萬敲扑死者相踵文勝慨然詣闕上疏爲民請命再上皆不報歎曰何面目歸見父老復具疏擊登聞鼓以進遂自經於鼓下太祖憐其爲民殺身詔寬龍陽租二萬四千餘石定爲額邑人建祠祀之妻子貧不能歸養以公田百畝萬歷十四年詔有司春秋致祭名其祠曰惠烈

隋吉

按江寧府志吉不知何郡人洪武中上元縣典史上言農民之中有一夫一婦受田百畝或四五十畝者當春夏耕種方殷或不幸夫病而婦給湯藥農務旣廢田亦隨荒及病愈則時已過矣上無以供國賦下無以養室家窮困流離職此之由請命鄉里小民或二十家或四五十家團爲一社每遇農急之時有疾病則一社協力助其耕耘庶田不荒蕪民無饑窘百姓親睦而風俗厚矣上善其言命戶部通行曉諭

陽春

按紹興府志春洪武中爲山陰尉清勤有幹局晨起視事日晏未罷唯啜粥而已隆冬無衣長官以

衣衣之受而不服其介如此

何聰

按明外史循吏傳聰淮安海州人宣德中爲四川長壽典史有能聲以父憂去服闋改除山東長清正統八年長壽缺知縣民五十餘人走數千里至京師言聰前爲典史勤敏公廉民皆悅服乞卽以爲縣正帝曰聰小吏去長壽已十年民猶思之不置此非循良選耶其卽命之聰再赴長壽恤孤貧興學校息訟弭盜蒞務惠民民益愛戴

楊貢

按明外史何聰傳聰同時楊貢爲交河典史得民心會知縣林俊遷去父老奏貢清正勤能乞代其職章下吏部尙書王直以貢發身掾史格之帝曰民旣奏保宜順其情若拘以資格用人之途狹矣卿等其體朕意遂之任果以稱職聞

安郁

按明外史何聰傳聰同時又有安郁者字從周臨潼人爲四川蒲江典史歲大旱郁齋沐籲天積薪

紫極觀下誓不雨卽自焚至朝果大雨民爲之歌曰安從周政何優感天雨歲有秋昔無衣今有裘
正統十年部民羣赴闕下稱郁廉能堪任縣令帝卽從之其後政聲益著

杜濩

按明外史何聰傳聰同時又有杜濩官霑化典史爲民所愛嘗坐事當徙霑化人詣闕言濩廉幹得
民心帝嘆曰典史小吏耳得民心如此良吏也其卽還之

顧昂

按嘉興府志昂字文顯成化中嘗仕爲新泰典史家湫鎮數上疏請鎮城事皆報可一請濬城東南
地爲河載土築黃家畹塘捍海一請豁湫所公佔城池軍營田地稅糧一請以城濠空地海上新漲
沙地爲牧馬場毋令鎮軍縱牧民田一請免所軍運艘減馬軍舊額百匹爲六十四匹免遠漕及孽牧
等苦至今人利賴之

李鳳

按金谿縣志鳳崑山人由吏員任金谿縣典史正德間宸濠反東鄉遺孽煽動流劫入縣境鳳到任